

Museo Clav. 820 - 4

V I T A
I AVSTI SOCINI
S E N E N S I S

descripta


ab

EQVITE POLONO.

mi. cl. Clav. 820 - 4



Anno M. DC. XXXVI.



FAUSTI SOCINI vitam paucis ac perfunctoriè
 persequi infrà tanti viri dignitatem; plenius verò
 atque elaboratè, suprà nostras fortassè vires fuerit.
 Nam & illustrium hominum laudes raptim ac negli-
 genter narrare, virtutis injuria est: & si quis unquam a-
 lius, hic certè vir fuit non cum curâ tantùm, sed cum
 ingenio quoque dicendus. Sed quia eximias dotes non
 satis pro merito laudari præstat, quàm penitus taceri;
 iniquum est, si aut viris ingentibus narrantium medio-
 critas, aut scribentium ingenio fraudi sit eorum quos
 celebrant magnitudo. Mihi verò alio quoque nomine
 venia debetur, pluribus districto curis, & intrà præfi-
 xos angustò tempori cancellos præcipitanti scriptio-
 nem.

Patria viro celeberrima urbs Hetruriæ Senæ. Gentis
 antiqua nobilitas, & cognationum splendor ultrà pri-
 vati hominis sortem illustris. Patri præter gentilitia de-
 cora accesserat è maternò sanguine Salvettorum no-
 bilitas: quæ gens apud Florentinos eâ quondam po-
 tentiâ floruit, ut expulsus Senis Pandulphus Petrucci-
 us, Pauli Salvetti potissimùm auxilio & opibus restitu-
 tam patriam & mox principatum suum debuerit. Quo
 beneficio obstructus Senensis ipsi civitatis jus contulit,
 & ut patriam cum Senis commutaret, persuasit. Hic
 Paulus Camillæ pater fuit; quæ Mariano juniore nupta,
 Alexandri & Lælii Socinorum mater, Fausti fuit avia.

junior ICTorum principes vocati sunt: & patruus
Mariani Junioris Bartholomæus, ab Angelo Politiano
suæ ætatis Papinianus dictus est: denique pater Bartho-
lomæi Marianus senior, ICTus gravissimus, ab Æneâ
Sylvio tot præconiis extollitur, ut propè narrationis
fides laboret. Hujus Mariani filius fuit Alexander seni-
or, & ex eo nepos, alter Marianus; pronepotes Alexan-
der & Lælius: ille, ut diximus, pater; hic Faustî nomi-
ni patruus. Ambo ingenii magnitudine atque eruditionis
dotibus usque ad invidiam insignes; sed ad quos illud
Poetæ jure deflecti potest:

Ostendent terris hos tantùm Fata, neque ultrâ

Esse fient.

Nam & Alexander, cùm ad mirum ingenii acumen
divina memoria & excellens eloquium accessisset, vix
dum primo ac tricesimo ætatis anno expleto raptus,
grande toti Italiæ sui desiderium reliquit: Et Lælius
brevis ævi curriculo res maximas complexus, septi-
mum ac tricesimum vitæ annum non excessit.

Hujus ego viri memoriam maximâ posteritatis
admiratione dignam censeo, qui tantillo quo vixit tem-
pore, tot tantosq; errores, qui in Ecclesiam furtim irre-
pserant, non modò suis vestigiis odoratus est; sed ex ip-
sis cubilibus extractos primus jugulari docuit. Is à pa-
tre Mariano ad studium impulsus nomini suo hæredi-
tarium, humanarum Legum scientiam ex ipsis divini
juris fontibus hauriendam sibi putavit. Quo consilio
dum S. libros impensius evolvit, non omniter depre-

5
hendit, plurima ex iis, quæ vulgò recepta sunt, Ecclesiæ dogmatis, divinis testimoniis planè adversari. Idq; tantò faciliùs, quòd ex iis pleraq; Rationi quoque, & quæ nobis ipsa Natura in sevit, principiis repugnarent. Cum igitur ad excellentis ingenii altitudinem & iudicii acrimoniam singularis animi probitas accessisset, deprehensis Ecclesiæ erroribus (quod plerique faciunt) non est abusus ad Scripturæ & Religionis contemptum; sed potiùs Scripturæ & religionis Christianæ auctoritate usus est ad sanandos Ecclesiæ morbos, qui nisi detectis erroribus curari non poterant. Itaque in eo studio, ad quod sublimis & pia mens inflammato impetu rapiebatur, non sine divinâ procul dubio ope, magna ei lux repentè oborta est, præcipuè cum ad eruendos Scripturæ sensus Orientalium lingvarum, Hebrææ præcipuè atque Græcæ, quin & Arabicæ cognitionem attulisset. Sive igitur, ut credi potest, periculi metu, sive exactiori purioris Theologiæ & lingvarum studio incensus, citò ex Italia in Helvetiam atque Germaniam concessit.

1547 Admodum adolescens patriam reliquerat; annum videlicet agens alterum & vicesimum. Proximo quadriennio Galliam, Britanniam, Belgium, Germaniam universam, ipsam quoque Poloniam emensus, apud Helvetios Tiguri sedem fixit. Vnde licet privatis publicisq; negotiis sæpiùs abstraheretur, potissimam tamen illuc exilii sui partem exegit: multis passim principibus viris caris, nonnullis quoque Regibus conciliatus.

atus. Nemo eâ tempestate è viris doctrinâ illustribus
 extitit, (quorum tamen nulla ætas feracior fuit) cujus
 non amicitiam modò, sed familiaritatem quoq; morib⁹
 non meruerit. Quo factum est, ut ad insitam iudicii bo-
 nitatem singularis quædam prudentia & morum sva-
 vitas accesserit. Quas dotes in eo cùm alii è summis
 viris plurimi agnoscunt, tum præcipuè Philippus Me-
 lanchthon laudat in commendatitiis suis, quibus ab-
 euntem profecutus est, literis. Et profectò quis ipsi
 cum celeberrimis illius seculi viris, Calvino præcipuè,
 Melanchthone, Bullingero, Brentio, Musculo, Munste-
 ro, Zanchio, Vergerio, Castellione, Beza, Martyre, O-
 chino, Cælio, & aliis plerisq; usus intercesserit, frequen-
 tes ad eum plurimorum epistolæ testantur, quorum au-
 tographa magno numero ad nos pervenerunt. Non
 ille horum amicitia frui maluit ad fortunæ suæ per fugi-
 um; quàm uti ad Ecclesiæ emolumentum. Itaque ipsos
 illos metuendos florentis tunc Theologiæ antistites
 quæstionibus suis multùm urisit atque exercuit. Habeo
 literas Calvini manu scriptas, quibus notam sibi ab eo
 bilem non dissimulat, & pro responsione objurgatio-
 nem ac minas reponit. *Non est, inquit, quod expectes, dum
 ad illa, quæ objicis, quæstionum portenta respondeam. Si tibi
 per aëreas illas speculationes volitare liber, sine me, quæso, hu-
 milem Christi discipulum ea meditari, quæ ad fidei meæ ædifi-
 cationem faciunt. Ac ego quidem silentio meo id quod cupio
 consequar, ne tu mihi posthac sis molestus. Liberale verò in-
 genium, quod tibi Dominus contulit, non modò in rebus nihi-
 lù frustra*

stimari nequeunt. Lælius certè inter capitales sententia suæ hostes mansit integer & inviolatus. Nec tamen commisit, ut judicii sui sensus periret intrà conscientia suæ secretum. Itaq; quibus visum est, concredere non est veritus quæ sibi divinitus patefacta censebat. Suos præcipuè Italos erudiit, quos pium ac voluntarium exilium per multas Germaniæ atq; Poloniæ regiones sparserat. Reperio in Polonicarum Ecclesiarum commentariis geminum ejus in patriam nostram adventum. Primum circa annum 1551. ætatis verò ejus sextum & vicesimum; quo tempore cum plerisq; è nobilitate Polonicâ non sine maximo fructu conversatus dicitur. Is quoq; tunc Francisco Lismanino Corcyræo, Bonæ Sfortiæ Reginae Confessario (qui tunc, nisi fallor, fratrum minorum provincialis, mox deficiendi à Pontifice in hoc Regno primus signum sustulit) abjiciendæ cucullæ acerrimus auctor extitisse perhibetur. Sed tunc quidem intrà paucissimos menses discedens in Moraviam, & inde ad Helvetios se recepit. Alterum ejus in Poloniam adventum deprehendo post mortem Mariani patris, qui Bononiæ obiit anno 1556. Non multò post enim, circa annum 1558. & 1559. literis Poloniæ atq; Bohemiæ Regum muniri voluit, ut securius in urbe Veneta cum amicis de patrimonio agere posset. Tunc profectò patuit apud plerosq; Germaniæ atq; Poloniæ proceres, ipsosq; adeò Reges, quantum is gratiâ potuerit. Summis enim studiis in ejus causâ apud Ludovicum Priulum Venetiarum, atq; Cosmum Hetruriæ Duces

certatum est. Eodem ferè tempore atrox ob suspici-
nem hæreseos coorta tempestas, universam Socino-
rum domum periculoso turbine concussit. Post obitum
Alexandri tres germani fratres Lælio supererant: è qui-
bus Celsus Bononiæ, Cornelius & Camillus unà cum
Fausto fratris Alexandri filio Senis agebant. Hos inter
quoq; suggerendæ veritatis mirus artifex Lælius, ejus
femina sparserat, eaq; longis licet terrarum spatiis di-
visus, tam efficaci studio fovebat, ut nonnullorum u-
xores ignotus adhuc & absens in partes traxerit. Nec
deerant ex aliis quoq; familiaribus & amicis ejusdem
instituti partim consortes, partim conscii. Sed istius
melsis tam blanda spes in ipsa herba extincta est, ca-
pto Cornelio, cæteris percussis aut fugatis. Hic metus
Faustum quoq; admodum tunc juvenem, non urbe
tantum patriâ, sed Italia ipsâ exegerat. Qui cum ali-
quamdiu Lugduni in Gallia viveret, Lælius interim Ti-
guri præmaturâ morte extinctus est. Ejus de obitu li-
teris Marii Besozzi certior factus Faustus, structas lucu-
brationibus ejus insidias ægrè antevergens, earum hæ-
reditatem crevit; jam ante quoq; plurimarum ab eo re-
rum notitiâ imbutus, quas ipse longo posteâ intervallo,
acri ingenio & studio indefesso excoluit. Incidit mors
Lælii in diem perendinum Id. Maji, anni 1562. ætatis
verò ejus septimi suprâ trigessimum. Tantam indolem
longævam aut vitalem non fuisse, minùs mirabitur,
quisquis expenderit, quàm præcox extitit. Vix dum ex
ephebis egressus Italiam reliquit. Intrà sextum & vice-
simum.

fimum ætatis annum, univerſis penè Occidentis provinciis peragratis, plurimis paſſim è præcipuâ nobilitate, omnibus autem fortaffe ubiq; eruditæ viris, eximiæ laudis nomine innotuit. Quindecim propemodum annos numeres quibus à patria abſuit. Ex tantillo ævi ſpatio magnam ſibi partem longinqua itinera vendicant, quibus per varias Europæ oras fructuoſum multis exilium circumtulit. Adde perpetuam cum tot tantisq; viris conſuetudinem; adde continua literarum commercia: quibus deductis, quota quæſo pars temporis ſtudiis ejus relicta eſt? Quærendum jam ſtupentibus ſuper eſt, quodnam illud tam profundum otium? quæ tam acris induſtria? quæ tam verſatilis indoles? quod tam vaſtum ingenium fuerit, quod tot lingvis, tot ſcientiis hauriendis, ſimul altiùs revocandæ in ſeiſſam menti, ſimul maximis rebus gerendis ſuffecerit? Hæc de Lælio præmittere, niſi ultrò libuiſſet, ipſa poſtulat neceſſitas. Quippe is ipſi Fauſto atq; aliis ingrediendæ, quam poſtea ſecuti ſunt, viæ dux & auctor extitit. Nunc ad Fauſtum redeo: cujus primùm vitæ ſeriem ac præcipuos caſus compendio retexam; deinde rerum geſtarum capita complectar; poſtremo quæ de animi & corporis habitu curſim inquirenti comperta habere licuit, paucis adjiciam.

Natus eſt duabus horis & tribus ferè quadrantibus ante ſolem Nonis Decembris oriturum, in calce anni 1539. annis ferè quatuordecim Lælio patruo minor. Mortuus eſt anno 1604. paulò ante incuntis veris

initium, annum ingressus quintum ultra sexagesimum.

Ejus ætatis viginti primùm, & paulò post duodecim annos in patriâ: triennium circiter in secessu Lugdunensi; reliquos triginta annos continuos egit in voluntario exilio. Orbatâ parentibus fuisse videtur ætas illa, quæ capiendo literarum & ingenii cultui maximè docilis est. Levissimè enim, & omni præceptore destitutum bonarum artium studiis sese operam impendisse queritur. Et alibi, Se philosophiam non didicisse; nec Scholasticam Theologiam unquam attigisse; & ipsius Logicæ artis nihil nisi rudimenta quædam, idq; valdè serò degustasse fatetur.

Superbientis hæc fuit seculi contumelia, quòd tam insigni documento compertum est, etiam sine istis (quæ meritò quidem, sed tamen sæpe intemperantiùs suspicimus) præsiidiis esse

Magnos posse viros, & magna exempla duros.

Forstian & expediebat, natum ut de dogmatibus orbis cognosceret ingenium, nullis delibari præjudiciis; ne quam errorum fibram admitteret, quibus extirpandis adolescebat. Etenim fæta errorum Theologia ipsam quoq; philosophiam ac propè omnes bonas artes infecit. Itaq; non in cunis tantum, sed in ipsis quoq; primæ doctrinæ rudimentis jam olim pueritia orbis decipitur, & opiniones tanquam veras imbibit, priusquàm judicare possit, an falsæ sint. Ita fit, ut sæpe præstet nullis, quàm perversis documentis imbui: nec mirum sit interdù turpiùs eruditos desipere, & rude vulgus judicare incorruptiùs. Quod nò ita accipi velim, ut eru-

ditionem, sed ut abusum ejus damnare existimer; nec frænum ipsi, sed cautionem optare. Istiusmodi levi literarum tincturâ, simulq; Jurisprudentiæ (ut arbitror) studio prima Socini ætas occupata fuit, ad annum usq; tertium & vicesimum. Hauserat tamen jam ante divinæ veritatis principia, partim acri ingenio, partim Lælii patruī monitu, præcipuè cum subito ingruente discrimine, quod antea quoq; monuimus, in Galliâ concessisset. Tametsi Lælius, ingenio nepotis cōfusus, plura divinanti innueret, quàm traderet discenti; nōnulla etiam in experimentum judicii adolescentem celaret; non dissimulato inter amicos præfagio, plenius hæc atq; felicius à Fausto orbi prodenda. Sed cum post obitum Lælii revertisset in Italiam, in illo ævi fluxu, ætas adolescentis veluti navis sine rectore fluctuans, necio quibus ventis abrepta, pene ad aulicas Sirenes consenuit. Etenim in Regiam Francisci Magni Ducis Hetruriæ ascitus, eiq; honoratis ministeriis plurimùm conciliatus, cum isthic flagrantissimâ gratiâ & dignitate floreret, totos duodecim annos in aulâ Florentinâ consumpsit. Periiit ipsi tunc (ut ipse perpetuis gemitibus dequestus est) florentissima pars ævi; si modo periisse censenda est, in quâ non-umbraticis doctrinæ præceptis, sed solidis vitæ experimentis formatum est sublime judicium; in quâ & ille juvenilis æstus deferbuit, qui plerumq; magna in magnos lapsus præcipitat ingenia. Et profectò nisi id quoq; aliunde nobis constaret, vel ex ipsâ ingenii vi conjectura duci posset, quàm vehementibus

olim animi motibus æstuaverit illa indoles. Sub exitum
 istius temporis tetigit animum ejus serio de bonorum
 dilectu deliberatio; quam ea animi magnitudine expe-
 dit, ut sibi ob spem cœlestium omnia terrenorum vo-
 torum emolumenta calcanda decerneret. Itaq; nihil
 cunctatus, desperata ab invitissimis principibus mis-
 sione, suâ sponte patriam, amicos, spes & opes desti-
 tuit, quò liberius suæ atq; aliorum saluti incumbere
 posset. Non ingrati operam Magno Duci fuisse
 absentis jam & exulis desiderium ostendit. Sæpius enim
 per literas atq; nuncios, Pauli potissimùm Iordani Vr-
 sini, viri illustris, qui sororem Magni Ducis in
 matrimonio habebat, operâ hominem sollicitavit ad
 reditum, solitâ quidem modestiâ, sed obfirmato animo
 renitentem. Annus agebatur Christi nati 1574. æta-
 tis autem ejus quintus & trigessimus, cum ex Italia in
 Germaniam secessit. Venientem hospitio excepit Basi-
 lea, benigna receptatrix Christi exulum, & quæ jam
 pridem periclitantem innocentiam gremio suo fovere
 didicerat. Illic solidum triennium & quod excurrit
 Theologiæ studio incubuit; Sacris præcipuè volumini-
 bus intentus, quorum ad synceram intelligentiam cum
 assiduis votis atq; precibus aspiraret, paucissimis Lælii
 patruis scriptis, & pluribus ab eo sparsim relictis notis
 multùm adjutus est. Quod ipse, cum suppressere pos-
 set, ingenuè semper præ se tulit ac professus est. Cum
 ad annum usq; 1577. Basileæ degeret, creditum sibi ve-
 ritatis pignus in secreti pectoris custodia minimè deri-
 nuit.

nuit. Itaq; dum lumèn sibi exortum ad alios propagare
 studet, ab amicis ad alienos sensim delapso differendì
 argumento, disputationem de Iesu Christo Salvatore
 ore primùm inchoatam, postea scripto complexus est.
 Quam antequam absolveret, primùm valetudine à stu-
 diis, deinde peste à scriniis Basileæ relictis exclusus, ali-
 am interim cum Francisco Puccio disputationem, in-
 cunte anno 1578 Tiguri confecit; mox eodem anno Ba-
 fileam reversus libro quoq; de Salvatore summam
 manum imposuit. Multùm illa tempestate Transylva-
 nicis ecclesiis turbarum dederat Francisci Davidis &
 reliquorum de honore ac potestate Christi opinio. Cui
 malo remedium quærens Georgius Blandrata (cujus
 tunc & in illis Ecclesiis, & apud rerum potentes prin-
 cipes Bathorreos magna erat auctoritas) illo ipso Chri-
 sti nati anno Socinum Basileâ evocavit; ut præcipuum
 factionis ducem Franciscum Davidis à tam turpi &
 pernicioso errore abstraheret. Id quo commodiùs fie-
 ret, conducto apud eundem grandi ære hospicio, eâ-
 dem utrumq; domo atq; mensâ paulò plus quàm per
 trientem anni uti voluit. Sed Francisco existimationis
 inter suos retinendæ, quàm quærendæ veritatis cura
 fuit antiquior. Itaq; errorem suum non modò privatim
 spargere; sed publicè pro suggestu promulgare ausus,
 præsens sibi periculum accersivit, in carcerem mox
 jussu Transylvaniae principis coniectus, in qua paulò
 post mortem obiit. In hujus exitu cum ab omni culpâ
 abesset. Socinus, invidiam tamen non effugit. Quasi
 vclò

verò aut hic aliis armis Franciscum debellare non posset, cum utriusq; disputantis documenta publicè extant; aut Magistratus ille ita fuerit causæ Socini adductus, ut ipsius, sive cuiusquam ex eodem hominum genere arbitrio stringeret arma suæ potestatis. Quod si quis fortè à Socini causâ non alienus (quod mihi quidem non constat) auctor fuit principi acerbioris in Franciscum consilii, ejus certè culpam Socinus præstare non debuit, cujus neq; consilium scire, neq; factum ullo modo probare potuit. Nam ut alia plurima taceam, nihil magis adversum Socini sententiæ accidere poterat, quàm illud dogma, quod Francisci viventis voce atq; ingenio defendi non poterat, ejusdem morientis muto, sed efficaci testimonio sancitum videri: præsertim cum obitus ejus martyrio similis statim omnium in se oculos converterit. Socini disputatio, quam cum ipso habuit, licet eo superstite conscripta, quintodecimo demum post anno vix in lucem prodire potuit. Post hanc disputationem in Majo anni 1579. absolutam, & Ecclesiis Transylvanicis exhibitam non diu isthïc Socino commorari licuit, per morbum ibi vulgò grassantem, quem colicam vocant. Eodem igitur anno jam quadragenarius migravit in Poloniam, ubi Ecclesiis Polonicis, quæ solum patrem Domini Iesu summum Deum agnoscunt, publicè adjungi ambivit: Sed cum dissensionem in quibusdam dogmatis non premeret, satis acerbè atq; diu repulsam passus est.

Qua tamen ignominia minimè accensus, vir, non
tàm

tàm indole, quàm animi instituto ad patientiam compositus, nulla unquam alienati animi vestigia dedit. Quin potius impressionem variorum hostium, à quibus tunc illæ Ecclesiæ vexabantur, suo sibi ingenio sumpsit propulsandam. Primus Andreæ Volani impetus refellendâ ejus parænesi exceptus est; eademq; occasione rogatu Nemojevii septimum caput Epistolæ ad Romanos explicatum, Mox Iacobum Palæologum adoriri placuit; cujus tunc existimatio atq; auctoritas pestilentium errorum reliquias in hominibus alioqui minimè malis fovebat. Hunc non odio, sed consilio, durius aliquantò habitum, semper excusavit. Paulò post, cum redintegrante pugnam Volano certamen recruduit, simul ad Posnaniensis Collegii Theses responsum est. Dum pro veritatis patrocinio tot pugnas atq; odia Socinus suscipit, calumniatoribus tot inimicitia non caruerunt. Stephanus tunc Regnum Poloniæ obtinebat. Ejus aures accusator imbuat seditiosi contra Magistratum scripti criminatione. Indignum esse, si auctori vago atq; exuli Italo impune abeat hæc audacia. Libellus contra Palæologum designabatur. Qui licet aliud non postularet innocentia testimonium, quàm sui lectionem, declinari tamen periculum placuit.

Proinde Cracoviâ, ubi quartum jam annum degebat, commigravit ad virum nobilem, Christophorum Morstinium, Pawlikovii Dominum, ubi non tàm latebris, quàm Nobilitatis in gente nostrâ privilegio innocentiam tutatus est. Nam rus illud suburbanum paucis

passuum millib⁹ Cracoviâ distat. Illinc, quàm ex vinculis crimina purgare, cōsultius visum. Nec ad illū modo temporis articulū periclitanti patuere officiosæ domus hospitalitii lares; sed amplius triennio foverunt hospitē. Et quò cumulatiùs esset exhibitæ humanitatis specimen in exulem ac peregrinum, paulò pòst etiam ambiēti filiafamiliàs virgo nobilis in matrimonium collocata est; factusq; ex hospite gener, securitatem in illis locis suam affinitatib⁹ & amicitiiis sanxisse visus est. Ruridum ageret, cum aliam multa præclara, tum præcipuè librū contra Eutropium conscripsit: constanter illius Ecclesiæ famam & causam propugnans, à qua iniquissimo præjudicio damnatus multa insons indigna jugiter pertulerat. Filiam Agnetem sustulit circa Pentecosten anni 1587. ætatis 48. ex qua, cum post mortem patris Stanislao Wiszowatio Equiti Polono nupsisset, nepotes neptesq; etiamnum supersunt. Eodem anno in Septembrem amisit uxorem Elisabetham: quem casum viro luctuosum & acerbum gravis ægritudo corporis excepit; adèd quidem pertinax, ut per aliquot menses studiorum usum interciperet. Et, ne qua calamitatis species abesset, eādē ferè tempestate, per mortem Francisci Magni Ducis Hetruriæ, fructus bonorum ejus, quem quot annis ex Italia capiebat, penitus ipsi fuit ereptus. Sanè aliquantò antè, criminorum acerbitate ac minis Pontificum, bona ejus in periculum venerant. Sed Isabellæ Medicæ Magni Ducis Hetruriæ sororis, quæ Paulo lordano Vrsino, quem suprà memora-

ravimus,

ravimus, nupta fuerat, dum vixit, enixo studio, & post-
 eà ipfius Francifci Magni Ducis benevolentia, factum
 eft, ut illo fuperftite annuos ex iis reditus Socinus ca-
 peret. Adeò nondum illic meritorum ejus exoleverat
 memoria, ut literis ac precibus, damnati & exulis, pri-
 dem deſtituti ac ſæpè repudiati, principes difficillimã
 in re gratificarentur. Humaniffimis quoque literis
 compellatus, & in poſterum quoque bono animo eſſe
 juſſus eſt, quamdiu vita illis ſuppeteret, dum ne in libris
 edendis nomen ſuum publicè extare pateretur. Sed
 tunc illos principes infeſtum Socino fatum abſtulerat.
 Atque ut omnia in ſolicitudinem yri conſpirãſſe vide-
 rentur, viduum, ægrum, & fortunis omnibus provolu-
 tum ipſa Reipublicæ noſtræ tempora angebant, tunc
 maximè decertantibus inter ſe regni Polonici candida-
 tis turbulenta; ideoq̃ inimicorum licentiæ opportuna.
 Iam enim iterum Cracoviam migraverat. Proinde in
 tot malis ſolatum à negotio petit, quod ſibi repurgan-
 dis, qui tum in Eccleſia vigeabant erroribus, divinitus
 datum ſentiebat. Quanquam igitur antea quoque Ec-
 cleſiaſticos conventus frequentare ſolitus, anno tamen
 1588. in Breſtenſi Synodo (quod oppidum eſt in Li-
 thvaniæ finibus) majori quàm antea conatu atque fru-
 ctu, de morte & ſacrificio Chriſti, de Juſtificatione no-
 ſtra, de corrupta hominis natura, denique cum Davidi-
 anis & Budneiftis, de Ieſu Chriſti invocatione diſputa-
 vit. Hic fuit annus, quo primùm Luclaviciani Coetus cu-
 ra atque provincia mandata eſt Petro Stoinio, Petri illi-

us Statorii Thonvillani filio, cujus progenies olim inter indigenas nobiles cooptata, hodie quoque habet aliquos in patria nostra magnis honoribus perfunctos viros superstites. Is nō minus iudicio acer, quàm promptus eloquio, postquam Socini amicitiaē copia facta est, in sententiam ejus libenter concessit. Paulò ante quoque non paucos è præcipuis privatim in suam sententiam pertraxerat, & suffragantium sibi non exigua indies fiebat accessio. Refragabantur tamen adhuc viri maximæ auctoritatis, Nemojevius ac Czechovicus, & plerique è Ministris natu majoribus. Primus olim Securinius sententias Socini, in quas descenderat, propugnasse palam dicitur ausus. Secuti mox alii. Quos inter grande partibus momentum addiderant, Andreas, Stanislaus, Christophorus, tergemini fratres Lubjencii, quos splendidis natalibus, & in summam spem genitos, atque partim in aula Regia, partim in summorum Procerum contubernio educatos, à mediis vitæ illecebris ad Religionis curam facer quidam instinctus abriperat. Hi, quemadmodum flagrantissimo zelo omnia pietatis impedimenta calcaverant, ita agnitæ veritati pari animi candore ac magnitudine subscripserant.

Iamq; & alii certatim è pastorum ordine partibus addebantur, præsertim è junioribus, quos minus morabatur inveteratæ opinionis atque auctoritatis præjudicium; cùm evenit casus novitate insignis, qui quanta vis sit veritatis documentum dedit memorabile. In magno sententiarum dissensu laudabilis hæc fuit illius
Ecclesiæ

Ecclesiæ concordia, quod tantum opinionibus, non etiam odiis homines illi pugnaverint. Et cum alii aliorum sententias detestarentur, sese tamen mutuo minime damnarent. Itaque integrâ utrinque tolerantia sæpius acriter disceptabant, atque hoc fuit præcipuum illarum Synodorum negotium.

Anno igitur 1589. in Synodo Lublinensi, sententia Soci-
ni de cap. septimo ad Romanos non mediocriter agitata
est. Erant qui defenderent; sed & oppugnantium pasto-
rum non minor fuit numerus. Ex iis uno, Nicolaus Zitinius,
ab aliis earundem partium jussus contra mentem Soci-
ni caput illud exponere, eoque consilio rem strenue ag-
gressus, delapsus inter differendum ad verba, quibus
Apostolus gratias agit Deo liberationis nomine, hæ-
sit attonito similis. Et mox, Ecqua verò est ista libe-
ratio? ait, ecquod beneficium illud, quod tantas Apo-
stolo grates expressit? An quod in tantâ eum peccati
servitute detineri necesse fuit? Hoc verò mihi equidem
probari nullo pacto potest. Ego igitur (inquit) pariter
ingentes Patri luminum ago gratias, quòd mihi nunc
ab errore liberato veritatis suæ lucem oboriri volue-
rit. Mox contrariam explicandi rationem ingressus, pro
sententiâ orthodoxâ accuratè disputavit. Stupentibus
& arguentibus quorum causam susceperat, respondit,
se non potuisse convictæ mentis judicio refragari. Ma-
gnam ea res momentum attulit ad veritatem propa-
gandam; sed non minus illorum studia, qui ad ample-
cendum

Etendum eam signum cæteris sustulerant. Hos inter e-
 minuit Petri, quem diximus, Stoinii eloquium. Vnam
 illam facundiam parem ingenio Socini Deus Ecclesiis
 istis contulerat, quæ subtiles & â rudiorum captu re-
 motiores Viri sensus populari ratione tradere, & flexa-
 nimæ orationis genio cunctis probare potuerit. Hoc il-
 le videlicet suæ mentis præcipuo interprete usus est, ad
 insigne Ecclesiæ Dei emolumentum. Quicum ut tantò
 arctius jungeretur, e venerunt nonnulla quæ cogent.
 Iamdudum Socinum Cracoviæ commorantem cir-
 cumstare undiq; pericula cœperant, quæ plerumq; fi-
 deles Christi servos comitari amant. Quanta ibi con-
 tumelia affectus fuerit ab insolenti milite Verneco, ipse
 in quadam epistola exponit. Sed præcipuè post librum
 de Servatore typis evulgatum inimicorum odia recrû-
 duerunt. Itaq; anno 1598. commota per Scholasticos
 infimæ plebis sæce, æger tunc & fortè curandæ valetu-
 dini intentus, extrahitur è cubiculo seminudus, & per
 forû ac celeberrimas plateas, deposcentibus ad suppli-
 ciû plarîsq; contumeliose raptatur. Tandem in illâ fu-
 rentiû colluvie pessimè mulctatus, à M. Vadovita pro-
 fessore Cracoviensi ægrè furenti multitudinî eripitur.
 Direptas tunc sarcinas & supellectilem, quæq; alia rapi
 potuère, longè minori dolore tulit, atq; scriptorû quo-
 rundam jacturam irreparabilem, quam ipsius vitæ im-
 pendio sese redempturum fuisse sæpè professus est. Pe-
 riit ibi unâ insignis contrâ Atheos labor, quem refel-
 lendis ingeniosis magni cujusdam Viri commentis su-
 sceperat.

ſceperat. Cum verò ad tam barbarum ſævitix exemplum minæ quoq; accederent, Cracoviâ Luclavicias migravit, in pagum ultimâ ſuâ habitatione atq; obitu nobilem, novem circiter milliaribus Cracovia diſſitum; ubi aliquot annos, uſus menſâ & ædibus viri nobilis Abrahami Blonſcii, vicinus Stoinio vixit. Ambo igitur mutuam ſibi operam de propinquo navantes in proſtigandis errorum reliquiis, jam ad unanimem in omnibus ſententiis conſenſum penè univerſam illam Eccleſiam redegerant. Nam & ipſe pridem Nemojeviuſ pleriq; in rebus Socino aſſenſus, hallucinationes ſuas nunquam ſatis prædicandâ ingenuitate damnaverat.

Solus Czechovicuſ à ſententiâ ſuâ dimoveri non potuit. Qui cùm, vincente potiori parte, ad cætera ægrè quidem, ſed tamen utcunq; conniveret; paulò poſt in ſententiâ de Baptiſmo cière turbas cœperat: quæ tamen citò ex yoto Socini ſopitæ, poſteà ſuapte ſponte evanuerunt. Repurgatâ ſic plenè ab erroribus Eccleſiâ, veluti ad unam eam rem hucusq; vitâ productâ, non tam immaturo ſibi, quàm luſtuoſo ſuis fato eripitur Luclaviciis, exeunte brumâ, anno ætatis quinto ultra ſexageſimum. Ultima morientis vox excepta, ſe non magis ævi, quàm invidiæ & moleſtiarum ſaturum, læta atq; intrepidâ ſpe propendere in ſupremum illum ſati ſui articulum, qui miſſionem ab ærumnis ſimul & laborum ſtipendium oſtenderet. Quem vitæ ac laborum ſocium, eundem funeris laudatorem, & ſequenti anno
comitem

comitem habuit, Petrum Stoinium; qui tanquam præstitutum quoq; jam vitæ pensum exegisset, Socinum secutus est vix quadragenarius.

Currículum vitæ ejus emensi, per quod compendio festinavimus, restat ut in dispiciendo quid gesserit, quid præstiterit, paululum figamus vestigium. Nemo memoriâ nostra de toto Christiano orbe, sed imprimis de Ecclesiis Polonicis; melius meruit. Primùm enim genuinam sacrarum literarum mentem, tot editis lucubrati-
onibus, innumeris in locis aperuit. Deinde sententias de Dei atq; Christi personâ, quas jam in Poloniâ vigentes deprehenderat, solidis argumentis confirmari, & à subtilibus cavillis atq; sophismatis peritè defendi unus egregiè docuit. Mox quasdam impias, alias prophanas sententias, quarum exitiabile virus furtim in Ecclesiæ gremium irrepebat, felicissimè extinxit. Nemo acrius Iudaizantes repressit: idem Chiliastarum opinionem: idem multa præterea alia fanatica somnia explofit. Errores autem, qui à reformatis Ecclesiis hausti magno adhuc numero in ea Ecclesia regnabant, mirâ felicitate extirpavit. Talia erant, de Iustificacione, de placandâ justitiâ Dei, de prædestinatione, de servitute arbitrii, de peccato originis, de Cæna quoq; Domini, de Baptismo, & alia sinistrè intellecta dogmata. Denique sublatis perniciosis erroribus, ne quid ineptiarum quoque in Ecclesia relinqueret, superstitiones plurimas circa res indifferentes exterminavit. Ex hoc genere fuit nimia vilis vestitus ambitio, deinde capessendi magistratus,

gistratus, aut etiam citrà vindictæ studium sui juris persequendi religio, & si quos similes nævos primi fervoris inconsiderator zelus aspererat.

Vitæ ordine atq; rebus gestis expositis, reliquum est, ut de animi & corporis habitu pauca addamus. Ingenii & iudicii laudes memorare, superflua est opera, cum tot ejus monumenta in promptu sint. Eruditionem autem quò pertinacius occulit, eò se prodit impatientius. Senior hæc, verùm solidior accesserat. Nec desunt in ejus scriptis felicis quoq; memoriæ vestigia. Vnum ipsius specimen præterire nequeo, quod in disputatione cum Christiano Francken edidit. Hic in confesso Synodi Chmelnicensis, doctrinæ atq; ingenii specimen ostentare cupiens, tumidiùs quàm par erat pastores illos ad disputandum provocaverat, mediocrem singulorum eruditionem despiciens. Et quò magis disputaturum ipsa copiâ percelleret, atq; obrueret, meditato apparatu quinquaginta simul argumenta contra invocationem Christi proposuit. Turbaverat ea res nonnullos, & Socino, licet ab Ecclesiâ, toties repulso, respondendi provinciam mandaverant. Is hominem improvisò iniquam disputandi rationem ingressum, & uno penè spiritu tot præparata spicula effudentem, attente audiens, monebatur, ut saltem capita rationum quibus respondendum esset notaret. Sed memoriæ fiducia calami subsidium sprevit, & hominem quousque libuit suas illas rationes declamantem, patienter audit;

mox eodem planè ordine longam argumentorum se-
 riem retexens, ad eò ad singula solidè respondit, ut
 vix quicquam adversario superfuerit quod contrà mu-
 tire posset. Itaque se minùs in ea materia promptum
 ac paratum professus, & stupentibus omnibus, confu-
 sus abiit. Et quoniam naturæ eius dotes attigimus;
 si quem fortè ea cura tangit, ut figuram quoque cor-
 poris cognoscere aveat, sciat illi non defuisse formam
 indole suâ dignam: statura justam quidem non exce-
 dens, sed proceræ vicinior fuit. Habitus corporis gra-
 cilior, intrâ modum tamen. In vultu porrectæ frontis
 dignitas, & oculorum masculus decor vibrabat. Venu-
 stas & gratia oris vigorem & majestatem nihil minue-
 bat. Cibi somniq; parcior, & omnium voluptatum ci-
 trâ ambitionem abstinens, in una valetudine curanda
 scrupulosus, & sæpe nimius fuisse videbatur. Quâ ta-
 men prosperâ plerumq; usus est, nisi quod interdum
 calculi doloribus, & passioni colicæ obnoxius esset.
 Lippitudinem quoq; nimis lucubrationibus contra-
 ctam jam senior querebatur. Lenis vitæ atq; insonsge-
 nius. Mira simplicitas in moribus, quibus ita gravitas
 inerat, ut abesset supercilium; & hominem faciliùs re-
 vereri velles, quàm posse timere. Alloquio facilis, ho-
 norem cuiq; ultrâ modum exhibuit, & si quid damnare
 in eo cuperes, nihil fuit viruperio propiùs, quàm nimia
 sui contemptio. Modestus corporis cultus, sed tamen
 comptus & elegans, tametsi à fastu longè recesserat,
faciles

faciles minùs aspernebatur munditias. Officiosus in amicos & in omnibus vitæ partibus diligens. Principes quorum in ministerio partem ævi posuit, ità demeruerat, ut nec desiderium ejus diuturna absentia, nec favorem manifesta offensio extinxerit. Patruos, fratres, agnatos, omni officio prosecutus, Lælium præcipuè suspexit & coluit. E propinquis mulieribus, præter Camillam aviam matronam lectissimam, Portiam amitam, & Phyllidem sororem, suo utramq; merito vehementiùs dilexit. Quarum illa dum vixit laudatissimæ pudicitia exemplar, prudentiâ simul & comitate morum incredibili, adeò Lælium Beccium maritum, virum insignem sibi devinxerat, ut is sæpè cùm lachrymis se tali tantaq; conjugè indignum fuisse diceret: Hæc morum atq; in regenda domo disciplina sanctitate, viro probata, (is fuit Cornelius Marsilius nobilissimo loco natus) immortale sui moriens desiderium reliquit. Et quoniam pridem à naturæ dotibus ad ea quæ suâ sibi operâ quæsiverat bona delapsi sumus, non sunt premeudæ silentio nonnullæ è virtutibus ejus, quibus supra multos eminuit. Non facile dixerim, in tam vehementi indole plùs ignis, an ingenii fuerit; adeò antequam impetus suos ratione composuisset, præcipitem ad bilem natura formaverat. Quam tamen ita fregit ac domuit, ut quæ postea in homine eluxit mansuetudo, plerisq; visa fuerit naturæ laus esse, non industriæ. Patientiæ quoq; commendationem, cùm fortunæ & injuriarum

indignitas; tùm delicata, ideoq; irritabilis auget indoles. Nihil ejusmodi hominibus malorum accidere solet sine exquisito doloris sensu; neq; adeò mirandum est, quòd sæpè plùs capere possit tristitiæ ingenium capacius. At ille in hoc quoq; certamine fortis & naturæ suæ victor apparuit: postquam tot calamitates ab alienis, tot à suis injurias, pericula ab hostibus, ingratitude ab amicis, invidiam à doctis, odium ab imperitis, infamiam ab omnibus, pauperiem à fortunâ, deniq; ab ipsâ illâ quàm unicè ornavit Ecclesiâ, jugem nec sine ignominia repulsam, Christianâ animi magnitudine tulit ac perpessus est. Penè injuriam feci fortunæ, quòd in eam paupertatis ejus causam rejecisse videor. Verùm ego nunc non culpam ejus accusavi, sed indicavi statum: quem Socino evadere per fortunam forsitan licuit, si aut per conscientiam, aut per quandam animi generositatem fuisset integrum. Sanctitatis certè famam ex mendicitate nunquam venatus est. Quoties tamen vel tenuissimo sumptu conditionem suam tolerare potuit, adduci nequibat ut munera ultrò oblata caperet. Ultrò quin etiam in egenos facultates suas erogabat. Nec tantùm elemosynæ, sed & liberalitatis nullum genus omisit: ut agnosceres flagrantem promiscuo omnium amore caritatem. Sumptibus quoq; suis nonnullos libros in lucem edidit; ut ad ardentem promovendæ divinæ veritatis zelum, nihil sibi faceret reliqui. Hanc tot scriptis, tot epistolis, tot privatis publicisq; disputationibus,

nibus, tot informationibus eorum quos mentis suæ passim habuit interpretes, tot longis, plerisque; ab extremâ Silesiæ orâ in intimam Lithvaniam, susceptis itineribus: valetudinis, famæ, fortunarum dispendio, sui denique; capitis periculo, sibi sumpserat propagandam. In tantis laboribus, & discriminibus, quo uno se sustentabat solatio, idem toti Ecclesiæ, unicum ad vitam sanctius agendam remedium inculcare non destitit. Spem enim immortalitatis jugem sollicitè ac delicatè fovendam cœsivit. Ad eò ut cuidam senecioni in argumentum pietatis tumulum sibi constructum ostentanti, ac subijcienti, mortem se perpetuò meditari: rectius facturum responderit, si resurrectionis rationem meditaretur. Sanè in omnibus vitæ partibus, sed maximè in rerum spiritualium iudicio, prudentia ejus eluxit. Quæ veluti fructus quidam fuit humilitatis ejus atque modestiæ: virtutis ita ingenio suo insitæ ac peculiaris, ut in cæteris alios, in hac se ipsum æmulatus fuisse videatur. Neminem unquam contempsit, nullam rem nisi consultò ac circumspectè aggressus est. In studiis quoque; ad eò omnis sui fiducia aberat, ut nihil scribere auspicaretur, nisi longâ & maturâ meditatione concoctum. Idem in lucubrationibus

jus non difficulter deprehendas. Quoties is per saleoras quas alii securo gradu calcassent, suspensio incessit vestigio! ut nemo sic alieno, quemadmodum is proprio iudicio diffusus, fuisse videatur. Quod singularis ejus modestiæ, ut diximus, tunc fuit præmium, nunc est

indiciū. Sed præcipuè fides ejus multum inter cæteras laudes enituit. Nemo post hominum memoriam omnibus præfidiis instructior fuit, quibus ad famam, atque opes, & altissimum vitæ istius apicem ascenditur: nobilitatem generis, amicitiarum splendorem, gratiam principum, opes ingenuas, valetudinem, ingenium, eloquium, eruditionem & maximarum rerum capacem indolem, Natura, Fortuna, industria denique; certatim cumlaverant. Tantarum illi rerum jacturâ constitit vocantis obsequium Dei, & concreditæ veritatis Fidei commissum. Parum erat destituisse tot summæ spei pignora, nisi se ultrò infinitis miseriis, egestati, discriminibus, inimicitiiis, omnium despiciatui, probris & contumeliis, & execrabili ubique; sui nominis memoriæ, veluti devotam publicis odiis victimam, sciens prudensque; objecisset. Neque; verò respexit ulla præsentis, aut saltem propinquæ mercedis stipendia. Longè ille sua vota, ultrà vitæ quoque; suæ limitem, imò ultrà labentis tunc seculi curriculum jaculatus est; adeoque; bona fide spes ejus in cœlum erigebatur, ut in nullo terreni solatii fulcro recubuerit. Non detraho debitas aliorum meritis laudes: manet singulos solum decus. Verum pace omnium dixerim, tentavere forsitan illustrium virorum aliqui, ad tam sublime fidei specimen eniti, sed nescio an quis evaserit. Plerique; enim non caruere subsidiis quibus eorum virtus citò sublevata est, ut non diu creditores summi Dei existerent. Lutheri & aliorum animi magnitudo plausu

do plausu mox & studiis principum ac populorum excepta est. Quot alios, inopes alioqui & obscuros, causæ Dei defensio, ad opes atq; potentiam provexit? Quos tamen hæc vicissitudo à fidei laude non excludit, si quæ ipsos provexit causa, unà cum iis demum ipsa adolevit.

Sed illi in hunc numerum non temerè veniunt, qui florentem jam & adultam Dei causam (sive illa verè talis, sive prætensa sit) etiam non exiguis rerum suarum impendiis demerentur. Habent enim quod sperent in terris, etiam citrà cœli respectum, & in ejusmodi præsentium præmiorum expectatione non semper facilè discernas, utrum magis Deo confidant isti, an industriæ suæ.

At Lælius & Faustus, viri tanto judicio, tanta illius (quo vixerunt) ævi cognitione atq; experienciâ, quodnam sibi in terris dum viverent, imò & proximo post seculo, tot laborum atq; discriminum solatium despondere poterant, dogmata professi, nullâ auctoritatis pōpâ, nullo partium studio, nullâ dissolutioris vitæ conriventiâ, nullo alio lenocinio commendata; quin potius austeritate suâ cunctis exosa atq; invisâ. Nullam hic sanè video terrenæ spei latebram, quæ vel minimum decerpât de nobilissimæ fidei laude, quæ quanta quanta fuit, omnibus terris exclusâ, in cœlum evolaverat, & in solius Dei clementiâ collocabatur.

Ignatius quoq; , ut alios taceam, majorû nostrorû memoriâ, patriâ, agnatos, opes, honores & alias illecebras

contem-

contēperat, multos quoq; labores, multa discrimina
 ultrò subierat, zelum gloriae Dei & fidei militiã professus,
 Non despicio animi magnitudinem quæ in eo aut non-
 nullis similibus apparuit. Neq; enim prorsus molli iti-
 nere ad gloriam contenderunt. Sed nondum hîc video
 illud magis arduum, quod quærimus, nobilioris fidei
 specimen. Non sumo mihi tantum, neq; etiam in præ-
 sentia multùm interest, ut de cujusquam mentis pro-
 posito sententiam feram, quam feret olim judex falli
 nescius. Itaq; nihil moror quid Ignatius in animo habu-
 erit, cùm ad præsens negotium sufficiat, quid habere
 potuerit. Videbat ille sanè res Pontificum in quibus-
 dam provinciis afflictas; sed in pluribus quoq; aut sal-
 tem potentioribus, adeoq; in patriã, & ubi sedem fixu-
 rus erat, benè firmatas & florentes ignorare non pote-
 rat. Immensa quæ propugnatoribus suis Ecclesia illa
 statim reponit præmia, virum istum latuisse quis
 rit? Acris est profectò in generosis animis gloriae stimu-
 lus. Vbicunq; illustris famæ campus panditur, non mo-
 dô ipsi voluptates atq; opes sordent, sed vita quoq; ipsa
 vilis est. Itaq; & martyria pro felici atq; opulentâ Ec-
 clesiã, etiam citrà nobilioris religiosæ fidei documētum
 facilè suscipiuntur, neq; adeò plus admirationis mereri
 possunt, quàm illi quondam, qui

in Punica nati


*Tempora, Cannarum fuerant, Trebiæq; juventus.
 aut si Castrense vulgus displicet, quàm
 Codrus pro patriã non timidus mori.*

Sanè quisquis in Ecclesia Romana æternitatem nominis quæsiuit, non stultè profectò elegit gloriæ suæ spatium. Nunquam enim Romana olim Respub. (quamvis hac potissimùm ratione adolevisset) tot aut tanta præmia periculis pro se susceptis proponebat, quot & quanta Romana Ecclesia repræsentat. Serò illa pulvinaria atq; aras, & solis tantùm Imperatoribus posuit. Hæc passim bene meritis præter sempiternam nominis venerationem, templa, & sodalitia, & honestam inter Deos indigetes sedem exhibet. Quid altius suspiret flagrantissima gloriæ sitis? Quisquis igitur propositis ac propè manu comprehensis tam invidiosis stipendiis, quantumvis non sine aliquâ rerum suarum jacturâ, militiam istam ingressus est, nihil est quod Fidem suam Deo imputet. Vbi opes Ecclesiæ Romanæ, tot principum potentia, atq; ipsius Hispanici imperii sparsa per orbem moles, stetere in subsidiis, facilè fuit etiam in maximo discrimine procurrere ante signa. Humanæ istud erat atq; militaris fortitudinis specimen. Ad primævæ quidem Ecclesiæ martyruni aut confessorum sanctiorem gloriam non assurgit. Ita illi sincerè in cælum suspexerant, ut nihil sibi in terris quod sperare possent reliquum esset. Eorum exemplo ita Lælius & Faustus Deo crediderunt quæ in ejus gratiam perdebant, ut nulla propè terrena futuræ mercedis pignora, nullam humanam divinæ spei fideiusionem, nullum solatium acceperint. Vnius Dei fidem atq; clementiam, eamq; longo

E

post

post fata sua intervallo expectandam secuti sunt. Suo quoque ævo jugiter spreti, atque in gloriæ, & solis odiis nobiles, ne morituri quidem secundioris famæ auspiciam delibarent. Nulli tamen unquam credentium decoxit fidelissimi numinis beneficentia. Ne istud quidem servorum suorum nobile par diuturnâ oblivione sepultum esse voluit. Ostendit illos orbi, quâ parte sui gloriose noscitari poterant; protractis in lucem tot inclytis ingeniorum monumentis. Ac licet non hæc mercede steterit plenum militiæ illorum stipendium; tamen ipsum quoque inter mortales nominis decus ita benignè asserere cepit, ut fortasse magis periculum sit ne nimios, quàm ne nullos ipsis honores habitura sit posteritas.



Vita Fanni

1800

PH 24011

